

Fijian - Vakayalo Valu Vola Tabu - SW Intro Scriptures

Luke 17:5 A ratou sa qai tukuna vua na Turaga nai apositolo, ni vakalevutaka mada na neitou vakabauta.

Roma 10:17 Ni vakabauta sa rawa ena ka eda rogoca, na ka eda rogoca mai na vosa ni Kalou.

Luke 11:1 Ena dua na gauna ni a masu tiko o koya ena dua na yasana, ni sa tinia, a sa lako mai vei Koya e dua na Nona tisaipeli ka tukuna vua, "Turaga, mo ni vakavulici keitou mada na cava me keitou tukuna ni keitou sa masu, me vaka na nona vakavulici iratou na nona tisaipeli o Joni."

1 Timoci 2:1-4 O koya oqo au sa kerea vakabibi me caka mada e liu na masumasu, na veinanumi ena masu, na masu e sega ni cavuka, kei na vakavinavinaka me ia ena vukudra na tamata kecega. 2 Ena vukudra talega na Tui kei ira na veiliutaki tiko, me rawa ni da vakavotuya cake tikoga kina na bula dina vaKalou sai koya na bula dina me bulataki. 3 Ni ka oqo sa vinaka ka dodonu ena mata ni Kalou na noda i vakabula. 4 Ni sa gadreva o Koya me vakabulai na tamata kece ka kila sara na dina.

Sakaraia 3:1,2 Sa vakaraitaki vei au o Josua na bete levu ni tucake tu ena mata ni Agilosi i Jiova kei Setani sa tu cake tu ena yasana i matau me bolei koya. 2 Sa vosa o Jiova vei Setani, "sa vunauci iko o Jiova, Setani! O Jiova, o koya sa digitaki Jerusalemi sa vunauci iko! Sa sega ni o koya oqo na tabana sa kau tani mai na bukawaqa?"

Efeso 6:12 Ni da sa sega ni veivala walega kei ira na tamata, ia eda veivala sara tikoga kei na dua nai tuvatuva ni bula vakatamata, kei na kaukauwa, kei koya sa lewa na kaukauwa ni butobuto, kei nai vavakoso yaloca ena veiyasana vakalomalagi.

Efeso 6:10,11 Me'u tinia, oi kemudou na wekaqu, mo dou kaukauwa tiko ena Turaga, kei na kena levu ni Nona kaukauwa vakaidina. 11 Dou tokara ka daramaka tiko nai yaragi ni Kalou, me rawa ni dou tucake qaqa tiko kina, ka vorata nai lawaki makawa ni tevoro.

Efeso 6:13-17 O koya oqo mo dou sa vakayagataka sara ga nai yaragi kecega ni Kalou, me rawa ni dou tudei tiko ni yaco mai na veisiga ca, ni dou sa kitaka oqo, dou na qai tudei. 14 O koya oqo mo dou

tucake, dou vauca ena tolomudou na dina, ka vakaisasabai na lomaseremudou ena i valavala dodonu, 15 ka vakaivava ena yavamudou ena cakacaka ni tukutuku vinaka ni veivinakati; 16 Vakauasivi sara, mo dou kauta voli e veisiga nai sasabai ni vakabauta, o koya, mo dou sabaya kina na nona gasau vanataki na tevoro. 17 Dou tokara e ulumudou nai sala ni bula, ka taura matua nai seleiwau ni Yalo Tabu, oqori na Vosa ni Kalou;

Iperiu 4:12 Sa bula tiko na Vosa ni Kalou, sa kaukauwa, sa gata cake mai nai selebati-rua, me suaka na i lati ni lomada kei na yaloda, nai lati ni sui kei na uto ni sui, ka sa vakalewa vinaka sara na vakanananu kei na i naki ni lomada.

Luke 4:8 A sa vosa vei koya o Jisu ka vaka, "Mo lako tani ki dakuqu, Setani! Ni sa volai, mo cuva ga vei Jiova na nomu Kalou, ka mo qaravi koya duadua ga."

Efeso 6:18 Dou masu tikoga ena masumasu kecega kei na daukerekere ena Yalo Tabu, dou yadrava tiko ka gumatua nomudou veinanumi ena masu, ena vukudra na tamata lotu -

1 Samuel 17:45-47 Sa sauma yani o Tevita vua na kai Filisitia, "O sa lako mai vei au ena i seleiwau kei na moto kei na moto ni coka botea. Au sa lako mai vei iko oqo ena yaca i Jiova ni lewevuqa, na Kalou ni i valu kei Isireli o koya o sa beca. 46 "Ena siga oqo, sa na soli iko kina o Jiova ki na ligaqu, au na samuti iko ka musuka na domomu mai vei iko. Ena siga oqo, au na solia na vovo ni nodra i tikotiko na Filisitia vei ira na manumanu vuka, vei ira na manumanu kila ni vanua, me kila kina o vuravura ni sa tiko e dua na Kalou e Isireli. 47 "Era na kila nai soqosoqo kecega, ni o Jiova sa sega ni veivakabulai walega ena i seleiwau kei na moto; ni sa nei Jiova nai valu ka ena soli iko ki na ligai keimami."

Luke 10:17-20 Sa ka levu na nodra reki na lewe vitusagavulu ni ra sa Iesu mai, ka tukuna, "Turaga, o ira sara mada ga na tevoro era vakarorogo vei keimami ena vuku ni Yacamuni." 18 A sa tukuna vei ira o koya, Au a raici Setani ni lutu sobu mai lomalagi me vaka na tibi ni livaliva. 19 "Ka raica, Au sa solia vei kemuni na kaukauwa mo dou lewa na gata kei na batibasaga, kei na nodra kaukauwa kece na meca, ena sega tale ni dua na ka me rawai kemudou mo dou ca kina. 20 "Ka me kakua ni vu ni nomuni reki tiko na veika oqo, ni ra vakarorogo vei kemuni o ira na yalo velavela, ia me vuni nomuni reki

tiko ni sa volai na yacamuni mai lomalagi."

2 Koronica 10:3-5 E dina ni keitou bula tiko vakatamata e vuravura, ia keitou sega ni vakayagataka nai yaragi e vakayagataka o vuravura ena i valu oqo. 4 Na neitou i yaragi ena i valu vakayalo oqo e sega ni ka vakayago me vakatamata, ia ena kaukauwa ni Kalou Me talaraki kina na bai kaukauwa, 5 Me buturaka sobu na duidui kei na veika cecere kece e vakalevulevui koya me veicoqacoqa kei na vuku ni Kalou, me vesuka mai na vakanananu kecega me talairawarawa vei Karisito,

2 Timoci 1:7 Ni sa sega ni solia vei keda na Kalou na yalo meda rere, ia na yalo ga ni qaqa, na loloma kei na taucoko ni yalo matua.

Maciu 12:28,29 la kevaka au cemuria na tevoro ena kaukauwa ni Yalo ni Kalou, sa qai yaco dina mai vei kemudou na matanitu ni Kalou. 29 Na nona vale na tamata kaukauwa ena sega ni rawa me dua e curuma ka taura vakaukauwa na nona i yaya, ka vakavo me vesuka ka vakamalumalumutaki koya na tamata kaukauwa, sa na qai rawa me taura na nona i yaya vakamareqeti.

Efeso 1:13 Oi kemudou talega, dou sa mai cabo bula vua, e na nomudou a rogoca na vosa ni vakavuvuli dina, nai tukutuku vinaka ni nomudou vakabulai; sa yaco kina mo dou vakabauta, ka dou sa dregati kina ena Yalo Tabu sa yalataki,

Cakacaka 19:6 la ni sa tabaki ira o Paula ena ligana, sa sobuti ira na Yalo Tabu, era sa vosataka kina na vosa tani kei na parofisai.

Marika 16:15-18 Sa qai tukuna vei ira, dou lako yani ki vuravura taucoko ka vunautaka nai tukutuku vinaka vei ira na tamata kecega. 16 O koya sa vakabauta ka papitaisotaki sara ena bula; ia o koya e sega ni vakabauta ena lewai me cudruvi. 17 "Na veivakatakilakila oqo era na cakava o ira sa vakabauta: era na cemuri ira na tevoro ena Yacaqu; ka era na vosataka na veivosa vovou; 18 "Era na taura cake na gata e vuqa; kevaka mera na gunuva na wai gaga ni veivakamatei, ena sega ni na vakaleqai ira; ena vakabulai o ira sa tauvimate, ni ra sa tabaki ena ligadra."

1 Joni 1:9 Kevaka eda sa vakatusa na noda i valavala ca, sa yalodina ka yalododonu o Koya me vosota ka bokoca na noda i valavala ca, ka vakasavasavataki keda mai na ka kecega sa sega ni dodonu.

Lako Yani 20:5 Mo ni kua ni cuva vei ira se qaravi ira. Ni sai Au o Jiova na Nomuni Kalou, oi Au na Kalou Vuvu, ka Au dau vakabasikata yani

**vei ira na gone ena i katolu kei na i kava ni tabatamata, na nodra
caka cala na qase, o ira sa dau cati Au,**

**Same 109:17 Me vaka ni sa rekitaka o koya na ruru me lako tale mai
vei koya; ni sa sega ni rekitaka nai veivakalouvinakataki, io, me sa
ka e yawa sara mai vua.**

**Turaganilewa 16:16 Sa qai yaco ni sa levu tiko ga na cikecike nei
Tilaila vei Samisoni ena veisiga kei na vosa ni veivakayavalati, sa
vaka ni sa yali vua na yalona,**

**Efeso 4:26 "Kevaka dou sa cudru katakata, tauri kemudou vakamalua,
de dou qai valavala ca kina." Me kakua ni sa laki dromu na
matanisiga, mo dou se cudru tikoga,**

**Roma 14:12 Oi keda yadudua eda na dui solia nai tukutuku, ni veika
eda cakava ena vukuna vua na Kalou.**

**1 Joni 2:23 O koya e cakitaka na Iuvena, sa sega ni tu vua o Tamada; o
koya e vakatusa na Iuvena, sa tu vua o Tamana.**

**Joni 14:6 Sa sauma vua o Jisu, "Oi Au ga na sala, na dina, na bula. Sa
sega ni rawa na lako vua na Kalou, (Tamaqu) vakavo ke lako mai vei
Au.**

**Maciu 11:28-30 "Dou lako mai vei Au, oi kemudou vakayadua ga sa oca
ka colata nai colacola bibi, Au na vakacegui kemudou. 29 "Dou
vakataqara vei kemudou na Noqu i Vua ka vuli vei Au, ni'u sa
Yalomalua ka Yalomalumalumu, dou na qai kunea kina na vakacegu
ni yalomudou. 30 "Ni sa rawarawa na Noqu i vua ka mamada na
Noqu i colacola."**

**2 Koronica 6:2 Ni tukuna o Koya: "Au a rogoci iko ena gauna ni
vinakati, kei na gauna ni veivakabulai au a vukei iko." Raica, oqo na
gauna ni vinakati; raica, oqo na siga ni veivakabulai.**

Roma 10:13 Ni, "O koya ga e masuta na yacai Jiova ena vakabulai."